



# Synfocity = 898

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

July 20, 2023

## ☐ Lay Leaders' Training, vawi 221-na

Synod Multipurpose Training Centre (SMTC) buatsaih Lay Leaders' Residential Training vawi 221-na chu July 18-21, 2023 chung hian neih a ni.

Training hawna hi July 18 (Thawhtanni) zan khan neih a ni a. Rev. Lalrinthara, Director-in a kaihruai a, Rev. P.C. Pachhunga, Synod Finance Officer-in hawna leh thuchah a sawi a ni.

July 21, 2023 (Zirtawpni) zana Training kharna inkhawm SMTC Hall-ah neih a ni ang a, Synod Moderator Rev. Dr. C. Chawngminglianang thuchah sawiin trainee-te hnenah Certificate a hlan ang a. Trainee-te tana tawngtaisakna hi Resource person aiawhin Rev. K. Lalpiangthara a hmang ang a, trainee-te atangin thusawi ngaithlak a ni ang a, Rev. Vanlalzuata, Resource person-in lawmthu a sawi ang.

Tun tumah hian Presbytery 9 - Tuichangral South, Aizawl Chhim, Hmarthlang, Hmarphei, Tuichangral North, Aizawl Bethel, Aizawl Central, Chhimituipui leh Dampa Presbytery atangin Kohhran Upa 31 an tel thei a ni. Training-ah hian Resource person-te Rev. Vanlalzuata, Rev. Thangzauva, Rev. K Lalpiangthara, Rev. Lalrinthara leh Upa Lalsawmliana, Synod Finance Manager ten thupui thlan chi hrang hrang an zirtir a ni.

Synod Multipurpose Training Centre hi kum 1996-a hawn a ni a, a hawn kum atangin Lay Leaders' Training (Kohhran Upate puala Training) hi neih tan a ni a, SMTC Office record-a a lan dan chuan tunah hian Kohhran Upa mi 7798-in training an nei tawh a ni.

## ☐ Synod Mission Board

### ◆ Jharkhand Mission Field

July 10-16, 2023 chung khan Field chung hmun hrang hrangah member thar 20 an awm belh a, Northern Evangelical Lutheran Church (NELC) atangin kan kohhrnah mi 7 an rawn inpe bawk.

### ◆ Arunachal & Assam Mission Field (West)

July 16, 2023 (Pathianni) khan member thar pahnih an awm belh.

### ◆ Patna Mission Field

July 16, 2023 (Pathianni) khan member thar pakua an awm belh.

### ◆ Karbi Anglong Mission Field

July 16, 2023 (Pathianni) khan member thar panga an awm belh.

### ◆ Home Mission North

July 16, 2023 (Pathianni) khan member thar panga an awm belh.

### ◆ Arunachal & Assam Mission Field (East)

July 16, 2023 (Pathianni) khan member thar pahnih an awm belh.

### ◆ Delhi Mission Field

July 16, 2023 (Pathianni) khan member thar pali an awm belh.

### ◆ Tripura Mission Field

July 16, 2023 (Pathianni) khan member thar 17 an awm belh.

### ◆ Zin

July 17-28, 2023 chung hian Kathmandu, Siliguri leh Kolkatta-ah te Field Committee-in Rev. R. Lalmingsanga, Secretary, Synod Mission Board leh BEC member-te, Rev. C. Chawngliana leh Upa K. Roseia te an kal.

## ☐ Worship

July 19-22, 2023 chung hian Mamit Hmun Samah Solfa Training neihpuiin Tv. H. Lalthazuala, Instructor leh Tv. Vanramghaka, Keyboardist te an kal.

## ☐ Presbyterian English School (PES)

July 19-21, 2023 chung hian PES panga - Reiek, W. Lungdar, Kangmun, Darlung, Falkawn leh Hlimen PES te tlawhin Pu C. Lalrinliana, Supervisor of Schools a kal.

❑ **Mizoram Christian College (MCC)**

Mizoram Christian College chuan July 14, 2023 (Zirtawpni) khan Vaivakawn YMA Auditorium-ah zirlai thar lawmna hun leh MZU hnuaiia Under Graduate result chhuaka an College atanga zirlai ti thate lawmpuina hun an hmang a. Higher and Technical Education Director, Pi Sangchin Chinza chu khuallian a ni a, khuallian chuan thu sawiin zirlaite chu mahni mihringpuite zahna leh midangte bula khawsak thiamna kawnga inzir tur te, eirukna leh ruihtheih thila fihlim turin a chah a. Mizoram Christian College Principal, Upa Dr. Tawnengan zirlai lut tharte fuihna thu a sawi bawk.

Semester liam ta, January - June 2023 chhunga Best Library User Award lawman sem a ni a, zirlai atangin Daniel Rinmuanpuia, 5th Semester chuan dawngin Faculty atangin Sir P.C. Lalngaihualan a dawng bawk.

❑ **Finance**

July 22, 2023 (Inrinni) hian Pangbalkawn Bialah Finance Campaign nei turin T.Upa R. Lalbiakdika, Rev. K. Lalhmuchhuaka, Upa C. Ramtharnghaka leh Upa P.C. Vanlalrova te an kal ang.

❑ **MSSU**

July 22, 2023 (Inrinni) hian Sunday School Zirtirtu training neihpui turin trainer-te hetiang hian an chhuak ang:

- N. Vanlaiphai Kohhran - Upa K. Vanlalnghaka  
Upa S. Kapzathanga  
Upa R. Vanlalhruaia
- Zuangtui Vengthar Kohhran - Upa Hrilthansanga  
Upa Lalsiammawia Pachuau  
Upa H. Lalbuatsaiha

❑ **Social Front**

July 22-23, 2023 chhung hian Political Education campaign nei turin campaigner-te hetiang hian an chhuak ang:

- Electric Veng Bial, Armed Veng Bial - Rev. P.C. Pachhunga  
Chhinga Veng Bial, Ramthar Veng Bial - Upa Lalbiakzuala  
Upa C. Lalduhawma  
Rev. Johana
- Ngopa Bial - Rev. K. Lalrinmawia  
Upa Lalhmachhuana  
Upa Lalrammawia Ngente  
Upa Lalnunpuia Hrahse  
Upa Ricky Lalrammawia
- Cherhlun Bial, Khawlailung Bial, - Rev. Vanlalrova Khiangte  
N. Vanlaiphai Damdawi Veng Bial, - Upa Dr. Lalrintluanga  
E. Lungdar Venghlun Bial - Upa Dr. B. Lalrinsanga  
Rev. H. Lalrinmawia

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Vaivakawn Vengthlang	Leimin tuar	8	₹ 97,000/-
2.	Maubuang	Damlo leh khawsak harsa	2	₹ 20,000/-
3.	Electric Veng, Kolasib	Damlo	1	₹ 10,000/-
4.	Hualngohmun	Damlo	1	₹ 10,000/-
5.	Ramhlun North	Damlo	1	₹ 10,000/-
<b>Belh khawm</b>				<b>₹ 1,47,000/-</b>

June thla chhunga harsatna hrang hrang neite hnenah Synod Relief Fund atanga chhawmdawlina sem zat chu ₹ 14,60,000/- a ni.

☐ **Sunna : Rev. C. Vanlalringa, kum 82**

Rev. C. Vanlalringa, kum 82, pensioner chu July ni 13, 2023 chawhma dar 11 khan a thi a, July ni 14, 2023 chawhnu dar 1:00 khan Durtlang Kohhran Biak Inah Rev. Dr. Vanlalnghaka Ralte, Ex-Moderator, Mizoram Synod-in a vui.

Rev. C. Vanlalringa hi Pu Khuanglianthuama (L) leh Pauhrangi (L)-te inkarah October ni 8, 1941 khan Leithûm kuaah a lo piang a, unau pakhat a nei. A pain a thihsan hma avangin a nu hian a nuñate a belhpui a ni.

Primary School hi Leithûmah zirin Middle School chu Vanzauah a zir a. High School erawh Aizawlah a zir zo thung. Kum 1967 ațanga 1970 chungin Aizawl Theological College-ah Pathian thu a zir a. Kum 1970 Synod Inkhawmpuiin Pro. Pastor atan a la a, January 14, 1971 ațangin Kolasib Bialah Pro. Pastor hna a thawk a, kum 1974 Synod Inkhawmpuih nemngheh a ni. Reiek Bial leh Khawlailung Biala a awm a hnuin kum 1985 khan Aizawl Theological College-ah B.Th. a zir a; mahse, a hriselnain a tlin loh avangin a chawlhsan a. Kum 1982-1992 chungin Tlungvel Bialah a awm a, Durtlang Bialah kum 1993-2001 chung a awm leh hnuin a pension ta a ni.

A rawngbawl chung hian Bial Chairman vawi 15, Presbytery Moderator-ah vawi 3, Synod Executive Committee-ah term thum a awm a, Pastoral Committee-ah term 2, Synod Music Committee-ah term 1, Synod Hospital Board-ah term 1, Synod Sunday School Committee-ah term 1 leh Synod Social Front-ah term 1 chung a awm bawk.

A pension hnuah pawh kum 2004 khan Synod Rescue Home-ah Director-in a awm a, Synod Mission Board-ah term khat awmin, Synod Pastoral Committee-ah term khat a awm leh bawk.

Kum 2017 khan a hnar chung a cancer a ni tih hmuh chhuah a ni a; Kolkata te panpui a nih hnuah dam takin an rawn haw a. Kum 2021 khan Covid hri a kai ve leh a. Pathian zarah taksa chak lo tak chungin Covid hri pawh a tuar chhuak leh a. Amaherawhchu, hemi hnu atang hian a taksa a chak lo zual ta hle a ni.

Kum 2023 bul lam ațang phei chuan a taksa a chak lo lehzual hle a, tlêma han harh deuh chang chu nei mah se, thawh harh peih loh châng a ngah ta hle a. June 11, 2023 (Pathianni) tlai zanriah ei khamah khan a lu a hai nasa zual a, Synod Hospital panpui nghal a ni a. June 12, 2023 chuan a oxygen level a hniam bakah, a BP te a tlahniam hle a, Synod Hospital-ah ICU a ruah mai loh avangin LRM Hospital, Ramhlun ICU-ah dah luh a ni a. Oxygen a kham khawp a hip theih loh avangin ventilator hmanga enkawl zui a ni a. ICU-a ventilator nen thla khat zet enkawl a nih hnuah July 13, 2023 (Ningani) chawhma dar 11:00 khan chatuan chawlhnaah a chawl ta a ni.

☐ **FM Zoawi - Aizawl & Lunglei : Hruaina Eng Radio Programme**

**July 21, 2023 (Zirtawpni) @ 7:30 p.m. :**

**Solo :** Melody Zothansangi - Hlimna thuruk, **Zaipawl :** Chanmari Bial Zaipawl - Ropuina ramah, **Thusawi :** Upa B. Lalhmunliana - Chhuna awm anga mawi taka awm, **Solo :** H. Lalhruaitluangi - Ka engkima ka engkim, **Zaipawl :** Dawrpui Vengthar Bial Zaipawl - Lalpa nghak rawh

☐ **Susamachar Prasaran Programme :**

**July 23, 2023 (Pathianni) 5:30 pm. :**

**Group/Choir/Solo :** Sarihajan Pastorate Choir - Anong kethe

**Group/Choir/Solo :** Durtlang Masihi Sangati - Kruspar

**Sermon :** Rev. James C. Lalremruata

**Group/Choir/Solo :** Champhai Vengthlang Pastor Bial - Hamara Kal

**Group/Choir/Solo :** R. Lalruatfeli - Tu Wahi

☐ **Hruaina Eng TV Programme**

**20.7.2023 (Ningani) 8:30 pm :** Media leh rawngbawlina - Electronic Media

**21.7.2023 (Zirtawpni) 5:00 pm :** Kristian Naupang Pual

**22.7.2023 (Inrinni) 5:30 pm :** Puitling Sunday School Zirlai

**8:30 pm :** Rimawi huang

**23.7.2023 (Pathianni) 8:00 am :** Weekly round up

**5:30 pm :** Su Samachar

**24.7.2023 (Thawhțanni) 8:30 pm :** Hruaina Eng Luang chhuak

**25.7.2023 (Thawhlehni) 8:30 pm :** Nilai Zan thupui zir ho - Synod Trust Committee

☐ **Moderator leh Executive Secretary-te Programme:**

**Rev. Dr. C. Chawngmingliana : Moderator**

July 22-23, 2023 Bawngkawn Bial

**Rev. C. Zoramawia : Senior Executive Secretary**

Zin programme a nei lova, Office-ah a awm ang

**Rev. V.L. Luaia Hranleh : Executive Secretary**

July 22, 2023 MPF Aizawl West-2 Constituency Seminar

July 25, 2023 SMTC Committee

July 26, 2023 Nursing Service Sub-Committee

July 27, 2023 Hospital Consultation Committee

**Rev. Dr. K. Lallawmzuala : Executive Secretary**

July 25, 2023 Sialsuk PES Silver Jubilee lawmna leh High School hawna hmanpui

July 26, 2023 Synfo Committee

July 28, 2023 Campus Ministry Committee

**July 24, 2023-ah Moderator leh Executive Secretary-te Officers' Meeting (OM)-ah an thu ang.**

**PATHIAN THU ZIR DUH TAN**

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form	:	Office hun chhungin Rs. 10/- a lei theih a ni
Dil hun chhung	:	August 25, 2023 (Zirtawpni) tlai dar 3 thleng
Dil thei chin	:	Class VII passed, kum 16 chin, Kohhran dan chhunga awm
Interview	:	August 29, 2023 (Thawhlehi) chawhma dar 10:00
Class tan hun	:	September 6, 2023 (Nilaini)
Zir hun chhung	:	September - December, 2023

Hrechiang duh tan Phone No. **8296035491/8974613378**-ah zawhfiah theih a ni.

*Sd/-* Rev. Lalrinsanga  
Principal  
Presbyterian Bible School

**SYNOD BOOKROOM LEKHABU CHHUAK THAR - JULY, 2023**

1. <b>Zoram Thim Ata Engah:</b> Lalhmuaka	<b>Rs. 250/-</b>
2. <b>Hindu-ho Zinga Rawngbawl Dan Tur Tlangpui:</b> Lalramzauva Ralte	<b>Rs. 150/-</b>
3. <b>Kristian Naupang Thawnthu Bu 1-na, 2-na leh 3-na:</b> R.L Thanmawia	<b>Rs. 200/-</b>
4. <b>Angelten An Awmpui:</b> Lalrammawia Ngente	<b>Rs. 400/-</b>
5. <b>Krismas Titi:</b> Rev. Prof. Tlanghmingthanga, Rev. Dr. Lalhmachhuana leh Dr. Zohmangaihi	<b>Rs. 250/-</b>
6. <b>Pathian Masterpiece chu:</b> Dr. K.C Lalchhingzova	<b>Rs. 100/-</b>
7. <b>Pathian Thuruk Inthup:</b> Lalramzauva Ralte	<b>Rs. 250/-</b>
8. <b>Beidawng Suh:</b> F. Lalnunpari	<b>Rs. 200/-</b>
9. <b>Israel Arab-Israel Indona &amp; Tunlai Khawvel:</b> Dr. P.C Biaksiana	<b>Rs. 300/-</b>
10. <b>Vanram Tlafual:</b> Vanneihthanga	<b>Rs. 300/-</b>
11. <b>Mahni Nunna Lak Chungchang hi le:</b> V. Vanlalruati	<b>Rs. 200/-</b>
12. <b>Hnam Thawnthu:</b> B. Lalrinhlua	<b>Rs. 200/-</b>
13. <b>Ramhnuai Mi:</b> Col. Lalrawnliana	<b>Rs. 600/-</b>
14. <b>Coronavirus, Covid-19:</b> Prof. C. Sangluaii	<b>Rs. 500/-</b>
15. <b>Vawiin Mizoram:</b> Rinfela Zadeng	<b>Rs. 250/-</b>
16. <b>Chawhlawk:</b> Upa H. Lalmuanpuia	<b>Rs. 100/-</b>
17. <b>Hnehna Hlado-9:</b> Vanneihthuanga	<b>Rs. 200/-</b>
18. <b>General English Grammar Guide:</b> Lalropuia	<b>Rs. 350/-</b>